

THE SNORRI PROGRAM



| | |
|-----------------------------|-----------------------------|
| Skeiða- og Gnúpverjahreppur | |
| Bnr. | 0.0 |
| Ábm. | 23.11.17 |
| Afgr. | Jón Þorlák () Bréf () St. |
| Lvm. | Trm. |

Reykjavík 20. nóvember 2017

Erindi: Stuðningur við Snorraverkefnið 2018

Með þessu bréfi óska ég undirrituð eftir stuðningi við framkvæmd Snorraverkefnisins á árinu 2018 en aðkoma sveitarfélaga hefur frá upphafi þess árið 1999 skipt sköpum fyrir verkefnið bæði fjárhags- og framkvæmdalega. Yfir 40 sveitarfélög hafa tekið þátt og hafa þátttakendur undantekningalaust hlotið góðar móttökur.

Sumarið 2018 mun tuttugasti hópur ungmenna af íslenskum ættum á aldrinum 18 – 28 ára koma hingað til lands frá Kanada og Bandaríkjunum til að kynnast rótum sínum. Markmið þess er að styrkja tengsl afkomenda Íslendinga í Norður-Ameríku við Ísland og hvetja unga Vestur-Íslendinga til að varðveita og rækta íslenskan menningar- og þjóðararf sinn. Verkefnið er samstarfsverkefni Þjóðræknisfélags Íslendinga og Norræna félagsins og stendur yfir í 6 vikur, eða frá 10. júní – 20. júlí 2018 og skiptist í þrjá hluta:

- I. Tveggja vikna menningar- og námsdagskrá í Reykjavík samstarfi við Stofnun Árna Magnússonar í íslenskum fræðum. Sérstök áhersla er lögð á íslenskukenndu en einnig er boðið upp á léttu kvöld- og helgadagskrá.
- II. Dvöl í þrjár vikur í heimabyggð forfeðra-/mæðra. Starfskynning hjá fyrirtæki eða sveitarfélagi á svæðinu í allt að þrjár vikur. Hér er lögð áhersla á að þátttakendur fái að taka virkan þátt í íslensku samfélagi og fjölskyldulífi, þannig kynnist þeir landi og þjóð á dýpri hátt.
- III. Vikulöng landkynningarferð um merkisstaði í náttúru Íslands þar sem gist er í svefnþokaplássi vítt og breytt um landið.

Lögð er áhersla á að ungmennin dvelji hjá ættingjum á landsbyggðinni og óskum við eftir því að sveitarfélagið styðji framkvæmd Snorraverkefnisins 2018 með því að:

- leggja verkefninu lið með kr. 120.000.- framlagi;
- styrkja verkefnið um kr. 120.000.- og taka einn þátttakanda í starfsþjálfun yfir þriggja vikna tímabil sem hefst mánudaginn 25. júní 2018; eða
- styrkja verkefnið með smærra fjárframlagi, með eða án starfsþjálfunar;
- styrkja landkynningarferð verkefnisins og/eða bjóða upp á upplifun á svæðinu

Þátttakendur þurfa ekki atvinnuleyfi, enda er um starfsþjálfun að ræða og greiðir Snorraverkefnið fyrir ferðir til og frá svæðinu, vasapening og tryggingar. Framlagið er frádráttarbært frá skatti sem styrkur til menningarmála.

Þátttaka ungmenna í Snorraverkefninu hefur reynst árangursrík leið til að fára verðmætan menningararf til nýrrar kynslóðar og eru margir orðnir virkir í sínu Íslendingafélagi í Vesturheimi. Þessi arfur er hluti af sögu okkar og menningu sem okkur ber skylda til að varðveita. Auk þess er Snorraverkefnið gífurleg landkynning og snertir líf tuga fólks á ári hverju og iðulega heimsækja ættingjar ungmannanna það svæði sem dvalið var á síðar.

Það er von míni að þið getið tekið þátt í þessu jákvæða verkefni með okkur. Ef óskað er frekari upplýsingar um þessa starfsemi verða þær góðfúslega veittar.

Með hlýrri vetrarkveðju. - F.h. stjórnar Snorrasjóðs,

Ásta Sól Kristjánsdóttir, verkefnistjóri

THE SNORRI PROGRAM



Snorrahópurinn 2017

Fjórtán ungmenni á aldrinum 19-28 ára tóku þátt að þessu sinni. Meirihluti þátttakenda voru kvenkyns að þessu sinni og einungis einn þátttakandi kom frá Bandaríkjunum. Fjórtán af fimmtíð eru afkomendur Vestur-Íslendinga en amma eins þátttakandans flutti vestur um haf.



Snorra-hópurinn fyrir utan Háskóla Íslands

Þrír þátttakendur dvöldu á bónabæ þann tíma sem þriggja vikna fjölskyldu- og starfskynningartímabil stóð yfir en þeir staðir sem þátttakendur dvöldu á voru: Akureyri (4), Borgarnes (2), Seyðisfjörður, Reykjavík (2), Dalvík (2), Kelduhverfi, Grundarfjörður, Fljótsdalshéraði, Seljarnarnesi og Ölfusi Samtals dvöldu ungmennin 15 hjá 17 fjölskyldum á 10 stöðum og kynntust daglegu lífi og starfi. Allir þátttakendur voru þakklátir fyrir að hafa fengið tækifæri til að dvelja hjá ættingjum og endurspegluðu lokaverkefni þeirra mikla gleði og fögnum yfir að fá að tengast íslenskum rótum sínum.

Í ár ferðaðist hópurinn um Borgarfjörð, Snæfellsnes, Húnavatnssýslur og Skagafjörð. Tekið var þátt í 17. júní fögnum yfir, Kvannahlaupinu í Garðabæ og farið í hestaferð við borgarmörkin. Dagskráin endaði á Reykjanesi með kynningu metnaðarfullra lokaverkefna.

Aðalstyrktaraðilar Snorraverkefnisins eru:

Mennta – og menningarmálaráðuneytið

Eimskip

Icelandair

Jysk (Rúmfatalagerinn í Kanada)

Icelandic Roots www.icelandicroots.com